

密揭帖



欽命經略廣西雲南貴州等處地方總督兼理糧餉御史李天啟奏為奏請查核院前都御史張疇謹

揭為恭陳微臣轉運貴州糧米事宜仰祈

睿鑒事順治拾陸年伍月貳拾捌日職准戶部咨開

該本部覆偏沅巡撫袁廓宇題前事順治拾陸

年叁月拾陸日奉

旨該部議奏欽此欽遵該臣等看得偏沅巡撫袁廓

宇疏稱轉運貴州糧米自沅州用新舊船肆

百隻轉運至貴州鎮遠府交收聽經略輔臣支

用每船用舵工壹名水手肆名共該貳千名派

於新復靖州天柱綏寧各縣及長沙衡州等處

月支工食口糧定為兩班半年一換庶免私逃

違悞轉運之弊前來臣部查本年正月內據經

略輔臣洪承疇疏稱滿洲大兵糧米雲貴水路不通應撥折色買米銀兩經制官兵及經略官兵多隨征雲貴拾陸年本色米應撥十分之三折色銀應撥十分之七等因臣部覆請

勅下經略輔臣湖廣督撫將楚省拾陸年分應徵南米漕米照依經略所請數目改徵折色速解軍前等因在案經略既議折色則米石轉運無多今偏沅撫臣又議派轉運貴州糧米船隻舵工水手臣部難以懸議合請

勅下經略輔臣會同該督撫查明具題以憑酌議再查該撫疏稱運送大砲需用船隻又信郡王等發回病兵皆用舢船裝載自不能催運糧米致

水脚有碍奏銷等語但載回病兵船隻即可於
運糧回空舡船那移裝載似難再議水脚至於
載砲船隻應聽該撫於奏銷冊內備細開明以
便查核開銷其辰州府管糧通判沈振豪調赴
沅州專管運務請給關防事隸吏禮二部合請
勅下吏禮二部查議可也等因順治拾陸年閏叁月

初柒日奉

旨是依議行欽此欽遵備咨到職職隨移咨湖廣雲

貴督撫臣并偏沅撫臣查明去後續准偏沅撫

臣袁廓宇咨稱案照本院先經繕疏會

題惟因身在衝邊料理轉運自擊水手棄船誤運
故為此分派招募以無偏苦於民又不致逃走

誤運今部覆謂經略既議折色則米石轉運無
多所言皆為節省之計但前時運船槩撥裝送
大兵乃連接貴閣部與貴州撫院移催運米接
濟此必原議解運鎮遠參萬餘石之數不能敷
用本院又恐遲誤貴州之糧即再疏

請增運船壹百隻以速飛輓今若以此見在舡船肆
百水手貳千為多則又何敢望增且見在舡船
除陸續朽損漂沒者未遑計算外即如前裝滿
兵自鎮遠而下偶遇風雨併又裝下常德又將
辰船直送去荊州前後舡船皆板薄釘稀乃係
益陽寶慶小河運船原非辰河石澗穿行之船
茲已報損壞不堪用者伍陸拾隻其餘磕損十

有六七大費修艫兼常德糧道陳正中調往省
城官運無人今見在挨次修艫差人馳催尚無
船到沅州何能速其輓運又謂載回病兵船隻
只可於運糧回空艫船那移裝載難以再議水
脚此誠為節惜錢糧然沅州時地實為艱難無
民船可僱官兵起行需船又十分急迫如上年
捌月先奉王令修船載砲此何等重天軍務只
得預留艫船伺候月餘不敢輕動及至運砲至
鎮遠府必由陸路擡運乃鎮遠無天將艫船水
手添湊本地民夫共行擡送至貴州省城往返
耽誤兩月有餘復奉王諭發病兵苦獨力往荆
州又征南將軍送病兵苦獨力往武昌俱用運

糧舫船辰船送至常德如若止於鎮遠載至沅
州則為回空順載今已自沅州載至常德原係
專行特送更且冒日逆水上行月餘方扯到沅州
大兵用船關係軍機甚為重大一經奉文不敢
時刻有誤自不得不停運伺候往來然一預行
伺候即便需一兩月工夫便須一兩月工食糶
糶水手必不能枵腹聽差必應支領工食即
此便是水脚錢糧又如寧南靖寇大將軍上年
拾月間有班師之行留舫船鎮遠守候壹月有
餘至奉

旨仍駐貴州各船方得發回此坐食壹月餘之工食

不得奏

請開銷蓋先時為慮坐食工食之多運糧數少有碍
開銷實非於月給銀米之外另支水脚錢糧更
祈裁察况近日大將軍班師由沅州養馬拾伍
日用船至柒百餘隻不能湊足必將辰船舫船
俱留待月餘以等候載送一送之後有自常德
騰換者有徑送荊州始換者種種耽誤不能計
期轉運如俱不准銷工食水脚大小官員及眾
水手勢不能共認賠補此沅州水路轉運糧米
陸路轉運餉銀千萬難之時地若計筭果用米
少船少亦省萬分苦累猶恐滇黔大兵及鎮遠
辰沅制兵一時呼糧急迫猝然責成轉運彼時
船與水手俱缺必不能即時應手今奉

勅經略督撫查明具

題是誠

廟堂洞見大兵需糧之急辰沅轉運之難合咨酌裁
等因陸月貳拾柒日又准雲貴總督臣趙廷臣
咨稱案准偏沅撫院咨會前事隨經回覆內稱
楚省協濟黔糧一項應聽經略閣部會商議覆
但黔省錢糧尚未開徵全賴協濟糧米以資軍
需查經略閣部前題

請改折就地採買不過因滿漢官兵需糧數多即從
楚省飛輓萬萬不能全運意謂本地遇有秋收
就近採買接濟省搬運之艱難所以先行會商
止酌量楚糧每年協運鎮遠叁萬石有餘不期

議後黔省各屬自叁月以來處處申報餓死人
民月無虛日而米價每石竟至柒捌兩不等如
思南已賣至拾陸柒兩矣感蒙

皇恩借給牛種銀兩得解倒懸昨又將鎮遠貯倉糧
米借給窮民以濟春耕幸深山窮谷一時栽插
之民較上年倍多乃入夏以來自伍月初肆伍
日雨後據各屬申報旱魃情形盈案今已陸月
猶然無雨查黔省之田皆係山澗中開墾非如
中土田地有池塘可恃不知將來是何景况且
滿漢官兵駐鎮滇黔若本地禾稼枯槁民命已
不能救安有餘糧可以出賣雖有折銀無糧可
買是湖廣運米在目前尤為急著未可以前叁

萬石之議為定額可知也今不得不如此先為
計慮除自鎮遠轉運本地以至黔省見在酌議
會商另行移咨外希偏沅撫院先嚴行該糧道
將楚運協米星速轉運必不可拘定叁萬石惟
以多運積貯鎮遠俾黔地三軍糧糈有恃將來
可免脫巾之虞已經移覆偏沅撫院合咨速賜
會催等因職正酌議具疏間柒月初貳日又准
戶部咨為運河險窄難行舩船不敷裝載臣謹
會議添造利用船隻等事內開該本部覆工部
題覆偏沅巡撫袁廓宇題前事該臣等查得本
年叁月內據偏沅巡撫袁廓宇疏稱轉運雲貴糧
米自沅州用新舊舩船肆百隻轉運至貴州

鎮遠府每船用舵工壹名水手肆名共該貳千
名派於新復靖州等處等因到部臣部查本年
正月內據經略輔臣洪承疇疏稱滿洲大兵糧
米雲貴水路不通應撥折色買米銀兩等因臣
部覆請

勅下經略輔臣湖廣督撫將楚省拾陸年分應徵南
米漕米照依經略所請數目改徵折色速解軍
前在案今偏撫袁廓宇又稱恐貴州需米益多
議添造運船壹百隻以資轉運等因工部請

勅臣部議覆前來查貴州需用米石前經經略輔臣
已議折色臣部覆奉

俞旨遵行在案今偏沅巡撫又議添造船隻臣部難

會旨以懸議合請

勅下經略輔臣會同該督撫再行確議具題以憑酌

議可也等因順治拾陸年肆月拾肆日奉

旨依議行欽此欽遵併咨到職該職者得糧米為三

軍命脉轉運最為緊急在腹裏各省有米可貯

水路可運稍失預計尚致遲誤况今雲貴初闢

荒苦殊常水路不通貴州山險異常水田無多

收獲甚少兵馬雲集日食甚衆兼以屢報貴州

兩月不雨禾苗盡枯石米價至拾兩有餘誠為

意外奇災更有十倍艱難職於上年春間大兵

進取貴州之時即查湖廣原造有益陽運米寶

慶小河舫船輕小便捷堪為沅州至鎮遠河道

應用隨調令運糧前赴鎮遠滿漢大兵甚得其
力至上年拾月內職准偏沅撫臣袁廓宇咨詢
楚省協濟貴州糧米一歲應運若干職素知湖
廣糧米雖可由大江洞庭運至常德而自常德
起以至辰州沅州則灘險水急皆必用先造辰
船乃可裝載亦只至沅州而止自沅州以至鎮
遠河窄更險非舢船不能轉運而自鎮遠起以
至貴州省城則肆百里陸路山勢險惡民苗稀
少挑運無人上年大將軍大兵駐劄貴州皆職
與今總督臣趙廷臣設法預徵兼以採買僅可
接濟仍有朝不謀夕之虞續於玖拾月內
王師暫駐偏橋平越一帶而貴州徵買糧米已不

王
足用所幸辰沅用辰船舫船運赴鎮遠積有糧
米職與總督臣乃得以督率道府廳衛等官多
方僱夫挨程擺設接替挑運始得支持職等身
在地方目擊險苦情狀何敢將協運米數多行
計筭以重費人力物力惟以駐劄鎮遠官兵應
備解米壹萬石偏橋興隆清平平越一帶官兵
應備米壹萬石又過往官兵與肆伍月間青黃
不接應備米壹萬石共應備運米叁萬餘石職
即備咨偏沅撫臣并湖廣督撫臣督率湖廣督
糧道實加辦解此原係微職因念糧運險遠節
省錢糧本心遂致議數太窄乃於回咨之後各
舫船先因

王師大砲經臨沅州本地荒殘民夫既少商船又無不得不將舫船停運預留沅州伺候載砲以前至鎮遠及到鎮遠應由陸路而鎮遠缺夫軍機緊急又不得不將舫船水手借以湊合擡砲以至貴州此已耽延日久乃信郡王又發有病兵苦獨力赴荊州征南將軍臣趙布太發有病兵苦獨力赴武昌皆用運糧船隻由鎮遠裝載或送辰州或送常德始行換回其耽延尤甚况又有貴州大兵奉

旨班師又將舫船留鎮遠貳拾餘日直至奉

旨仍駐貴州各船方得仍回沅州以供糧運計已上
數次耽延即已數月前項舫船全未專運而鎮

遠倉米又經放盡且值三冬水涸每一舫船僅
載運柴枊石不等貴州大兵尚有分留鎮遠日
需米糧各船水手皆寶慶等處民人離家日久
苦累難堪每多棄船逃走偏沅撫臣深恐誤運
是以先疏

請將舫船肆百隻頭舵水手共貳千名派於新復之
靖州天柱綏寧各縣及長沙衡州等處月支工
食口糧定為兩班半年一換以免私逃違誤之
弊繼又慮楚黔近水交界止有鎮遠一線小河
恐貴州駐兵益衆需米益多復

請再添造運船壹百隻以資轉運今蒙部覆貴州需
用米石經略既議折色則米石轉運無多俱請

勅職會同該督撫查明具

題職即移咨偏沅撫臣查覆前來并准雲貴總督
臣咨會貴州荒苦景象時下大旱情形本地糧
米必不能多買以職前議協運鎮遠米叁萬餘
石未可拘定必須再行會催多運此督臣迫於
時勢實出萬不得已職悉心確議以職前

請貴州官兵拾陸年月米多行改徵折色原為官兵
需米數多楚省萬不能全解本色即或全解而
水路陸路轉運艱險僱船僱夫脚費浩大亦萬
不能全到故議必有折色銀兩在本地採買便
於就近接濟又必於鎮遠通水路去處有協運
本色乃可備支茲值貴州如此奇窮兼以亢旱

前議一年協運米叁萬餘石自是不足必應再
加添運貳萬石庶不致有匱乏則前項舩船肆
百隻自必仍舊留用然自沅州運米至鎮遠每
次往返約行壹月有餘兼以挑米上船下船與
不時修舩各項俱費時日則一年之內計只可
運米八九次以每船裝米壹拾伍石計八九次
僅運米伍萬有餘尚有冬月水淺之時每船只
裝米柒捌石不等兼有職今節次密疏請

旨調撥各處官兵此後往來正多沅州無船可催俱
不得不借用辰船舩船載送則運米時日益少
實計運數大約每年不過運米伍萬石而止適
足以為駐劄鎮遠偏橋等處官兵月米及備過

往官兵口糧與預備青黃不接買備無措等項
支用至若添造船壹百隻必須另僱舵工水手
月費工食益多似難另議但偏沅撫臣先以兵
食關係業已一面先行動銀打造將完若置之
不用甚為可惜查新舊敝船內准撫臣咨報
損壞不堪用者已伍陸拾隻其餘磕損十有六
七大費修艖計即可將此不堪難修之船拆為
補艖之用即將此添造船壹百隻充補敝船缺
額仍合肆百隻之數庶新船得以有用水手不
煩另僱糧米即得裝運實為便宜如謂貴州既
已撥解折色今又議解本色必致重複查湖廣
原額漕南二米其數甚多近雖改徵折色所存

本色仍為寬餘儘足撥解不待另為改徵而貴
州用過本色折色俱於年終之日聽督臣撫臣
查核彙冊

奏銷俟二三年後地方俱已大定錢糧盡數開徵
官兵設有經制然後可將舩船辰船酌議應留
應裁應減請

旨更定遵行職今即一面先咨湖廣總督臣李蔭祖
撫臣張長庚袁廓宇嚴督湖廣督糧道陳正中
專駐常德料理轉運實計武昌糧米一年應運
常德若干用辰船轉運至沅州以備解鎮遠若
干舵工水手一年應用食米若干又偏沅撫臣
會雲貴督臣貴州撫臣會加細查駐劄辰州沅

州平溪清浪各鎮各營官兵與偏沅撫標官兵
一年需米若干數目自鎮遠偏橋平越照前議
應備運各項糧米數目責成湖廣糧道一一計
米計船分別接續起運併將舵工水手等項工
食銀兩該糧道俱按時解交偏沅撫臣轉發俾
新闢遐荒三軍命脉有所倚恃如糧道託故推
卸違期中斷必難辭遲誤軍需之罪聽湖廣貴
州各督撫臣會職特疏

題叅重處至於載回病兵等項船隻如自鎮遠只
載赴沅州則為順便回空乃今或用至常德或
用至荊州往返日久始得回汛此原屬差用特
送各舵工水手銀米工食皆係按月給發非於

越外另給水脚偏沅撫臣惟恐其支過工食數
多運過米石數少有碍開銷不敢不先疏

題明職謹併再申明白聽候撫臣於

奏銷冊內備細開明以候部核職謹會同湖廣總
督臣李蔭祖雲貴總督臣趙廷臣湖廣撫臣張
長庚偏沅撫臣袁廓宇合詞具

題伏乞

皇上勅下該部覆議請

旨裁定行下職等欽遵奉行為此除密本具

題外理合具揭須至揭帖者

順治拾陸年柒月拾陸

陸

日

日

欽命經略廣西

欽命經略廣西雲南貴州等處總督兼理糧餉廣西學政兼理雲南書院右副御史洪承疇謹

請添職

皇上

勅撫船道改將足百米本全計同造分參貴揭
部臣原接徵新支隻參色運議督運班萬州為
覆李係運折船用應萬備故前撫船轉餘糧茶
議蔭按如色充其仍餘支多以會壹運石米陳
遵相月託所補添舊石茲議貴查百以偏自微
行趙支故存仍造留不貴折州官即部達撫沅轉
謹廷給違本合船用足州色銀兵容覆誤臣至運
揭臣工期色肆壹實必米銀兩拾偏俱又先鎮貴
張食必儘百百計應貴兩拾偏俱又先鎮貴
長非難足之隻每加難在陸沅請慮疏遠州
庚另辭撥數查年運買貴州月臣併楚准
袁給罪解海舊止貳又州月臣併楚准
廓水至今廣船運萬值採買楚又省必貴
宇脚載責額損米石元買楚又省必貴
疏職回成米壞伍則旱前必必貴
乞謹病湖數已萬艘前必必貴
會兵廣多石船議量不督
督等糧雖可適肆運運能臣

